



PHATLALATSO EA LIQETO TSA LEKHOTLA LA MATONA TSA LIPHUTHEHO EA LABOBELI LA LA 04 MOTŠEANONG, 2021

1. KAMOHELO EA MOEMELI OA MOKHATLO OA LEFATŠE OA TEMO LE KANETSO EA LIJO (FOOD AND AGRICULTURAL ORGANISATION)

LEKHOTLA LA MATONA LE ANANETSE KOPO EA MOKHATLO OA LEFATŠE OA TEMO LE KANETSO EA LIJO (FAO) EA HO TLISA MOEMELI E MOCHA OA MOKHATLO ONA, NAHENG EA LESOTHO.

2. LEANO LA POLOKEHO EA LICHELETE LE MATSETE (DEPOSIT PROTECTION POLICY)

LEKHOTLA LA MATONA LE ANANETSE LEANO LA POLOKEHO EA LICHELETE LE MATSETE KHAHLANONG LE TAHLEHELO E KA BAKOANG KE HOOA HA LIBANKA KAPA LI-INSURANCE, MOO BASOTHO BA NANG LE LIPOLOKO TSA LICHELETE KAPA MATSETE. SESIU SE TLA THEHOA SA POKELLO EA CHELETE EO BASOTHO BA TLA KHUTLISETSOA LICHELETE TSA BONA LE MATSETE MAEMONG AO LIBANKA KAPA LI-INSURANCE LI SENG LI SITOA HO BA KHUTLISETSA TSONA.

3. TEKENELO EA TUMELLANO EA TŠEBELISANO-'MOHO LITABENG TSA MORUO LE PHETISETSANO EA LITSEBO LIPAKENG TSA NAHA EA LESOTHO LE EA CHINA (AGREEMENT ON ECONOMIC AND TECHNICAL COOPERATION)

LEKHOTLA LA MATONA LE ENTSE QETO EA HORE NAHA EA LESOTHO E TEKENE TUMELLANO EA TŠEBELISANO-'MOHO LITABENG TSA MORUO LE PHETISETSANO EA LITSEBO LE NAHA EA CHINA, 'ME LETONA LA

MACHABENG LE TEKENNE TUMELLANO ENA LEBITSONG LA 'MUSO OA LESOTHO.

4. SETŠOANTŠO SA TLHOMATHISO EA MOLAO OA TAOLO EA THEKISO EA MOTHAMAHANE (LIQOUR LICENCING AMENDMENT BILL, 2020)

LEKHOTLA LA MATONA LE ANANETSE SEHLOMATHISO SA MOLAO ONA, SEO HAR'A TSE LING, SE RERETSOENG HO FETOLELA MATLA A PHANO EA LI-LICENCE TSA THEKISO EA MOTHAMAHANE HO TLOHA HO LETONA LA BOHAHLAULI, TIKOLOHO LE BOCHABA HO EA HO LA KHOEBO LE MESEBETSI E MEHOLO; 'ME LEKHOTLA LA MATONA LE ENTSE TAELO EA HORE SETŠOANTŠO SENA SA MOLAO SE TEKOE PARAMENTENG.

5. SETŠOANTŠO SA MOALO OA KAROLELANO EA MEAHO (SECTIONAL TITLES BILL, 2021)

LEKHOTLA LA MATONA LE ANANETSE SETŠOANTŠO SENA SA MOLAO SEO, HAR'A TSE LING, SE FANANG KA TUMELLO EA HO AROLELANA MEAHO KA HORE BATHO BA 'MALOA BA KA FUMANA LI-LEASE TSA LIKAROLO (E KA BA MEKATO KAPA LIKAMORE) TSA MOAHO O LE MONG; 'ME LEKHOTLA LA MATONA LE ENTSE TAELO EA HORE SETŠOANTŠO SENA SA MOLAO SE TEKOE PARAMENTENG.

KHOTSO PULA NALA